



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 49253323

თარიღი:28/11/2025

არასამეწარმეო (არაკომერციული) იურიდიული პირის „წყალტუბოს მუნიციპალიტეტის დასუფთავების ცენტრი“-ს მიერ 2025 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბოს მუნიციპალიტეტის დასუფთავების ცენტრი“-ს ანგარიში 2025 წლის I-II კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის დასუფთავების ცენტრი“-ს ანგარიში 2025 წლის I-II კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის დასუფთავების ცენტრი“-ს მიერ 2025 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ანგარიში

არასამეწარმეო (არაკომერციული) იურიდიული პირის „წყალტუბოს მუნიციპალიტეტის

დასუფთავების ცენტრი“-ს მიერ 2025 წლის I-II კვარტალში გაწეული მუშაობის შესახებ

არასამეწარმეო (არაკომერციული) იურიდიული პირის - „წყალტუბოს მუნიციპალიტეტის კეთილმოწყობისა და დასუფთავების გაერთიანების“ რეორგანიზაციის (დაყოფის) გეგმის დამტკიცების თაობაზე“ წყალტუბოს მუნიციპალიტეტის მერის 2024 წლის 26 თებერვლის № 348.48240572 ბრძანებით მოხდა არასამეწარმეო (არაკომერციული) იურიდიული პირის - „წყალტუბოს მუნიციპალიტეტის კეთილმოწყობისა და დასუფთავების გაერთიანების (421277772). გაყოფა, გაყოფის შედეგად ჩამოყალიბდა არასამეწარმეო (არაკომერციული) იურიდიული პირი - „წყალტუბოს მუნიციპალიტეტის დასუფთავების ცენტრი“ (ს/კ 421283104)

წყალტუბოს მუნიციპალიტეტის დასუფთავების ცენტრი ეწევა ქალაქისა და მუნიციპალიტეტის განსაზღვრული ტერიტორიების (ქუჩები და მოედნები) დაგვა-დასუფთავებას, ანახვეტისა და საყოფაცხოვრებო ნარჩენების ქალაქგარეთ სპეციალურ ნაგავსაყრელზე გატანას, აგრეთვე განსაზღვრულ ტერიტორიებზე ნაგვის ბუნკერების განთავსებას. სამსახური ყოველდღიურ საქმიანობას ახორციელებს თხოვნების ფორმით გადმოცემული შვიდი საბუნკერე და ორი მცირე თვითმცლელი სპეცავტომანქანით, რომლებზეც თვეში საშუალოდ იხარჯება მინიმუმ 8000 და მაქსიმუმ 8500ლიტრი დიზელის საწვავი. მეეზოვეების მიერ ყოველდღიურად, დილა-საღამოს, იგვება ქალაქის ქუჩები და მოედნები. სამსახურის სამოქმედო ტერიტორიაზე (ქვიტირი-ფარცხანაყანევის, კოპიტნარის, ბროწეულას, ვარციხჭესის, გუმბრინის, ბანოჯის, გეგუთის, პატრიკეთის, ტყაჩირის, ოფშკვითის, საყულის, ქვილიშორის, ჩუნემის, ხომულისა და გვიშტიბის) განთავსებული ნაგვისშემკრები კონტეინერებიდან და საერთო საცხოვრებლების ბუნკერებიდან ყოველდღიურად ხდება დაახლოებით 50-55 ტონა საყოფაცხოვრებო და სამეურნეო ნარჩენების გატანა. ყოველდღიურად იწმინდება გზების და გზატკეცილების მიმდებარე ტერიტორიები. კერძოდ, პრომეთეს მღვიმის მიმდებარე ტერიტორია, წყალტუბო-ქუთაისის გზატკეცილის მიმდებარე ტერიტორია სათაფლიის ნაკრძალის ჩათვლით, ქუთაისი-ხონი-მალლაკის მონაკვეთის ცენტრალური მაგისტრალის მიმდებარე ტერიტორია, მალლაკი-სალიის გზის მონაკვეთი, ქუთაისი-კოპიტნარის ცენტრალური მაგისტრალის აეროპორტის მიმდებარე ტერიტორია, სოფელ გვიშტიბის, გეგუთის საყულის მონაკვეთი, წყალტუბოს სამაკაშვილის ქუჩის, ბარათაშვილისა და რუსთაველის გამზირის კერძოდ, ძველი რკინიგზისა და იუსტიციის სახლის ტერიტორია ტყის ჩათვლით, პარკის ტერიტორიის დამაკავშირებელი თეთრი ხიდისა და ევროპის ხიდის ჩავლით. პერიოდულად ხორციელდებოდა ქვიტირი-ფარცხანაყანევის, კოპიტნარის, ბროწეულას, ვარციხე, გეგუთის, პატრიკეთის, ტყაჩირის ოფშკვითის, საყულის, გუმბრინის, ბანოჯის,

ხომულის, ქვილიშორის ჩუნეშის და გვიშტიბის ტერიტორიაზე განთავსებული ნაგავშემკრები კონტეინერებიდან და საერთო საცხოვრებლების ბუნკერებიდან საყოფაცხოვრებო და სამეურნეო ნარჩენების გატანა, გაიწმინდა ქალაქის N1 საჯარო სკოლის მიმდებარე ტყის ტერიტორიაზე ხელოვნურად შექმნილი ნაგავსაყრელი, ასევე მუნიციპალიტეტის ტერიტორიაზე არსებული გზებისა და მგზატკეცილების, სასაფლაოების მიმდებარე ტერიტორიები. შემოსული განცხადებების საფუძველზე დაგვემატაახალი მომსახურების არეალი. კერძოდ სოფ. წყალტუბოს 28-ე ქუჩა; სოფ. გუმბრის N1 ქუჩა; სოფ. მუხიანის სამხედრო ნაწილის დასახლება; სოფ. ზედა მესხეთის ქუჩა N8; სოფ. გუმბრა პ. გურეშიძის ქუჩა; სოფ. წყალტუბოს სკოლის მიმდებარე ტერიტორია.

სამსახურის საშტატო განრიგი განისაზღვრება 129 თანამშრომლით, მათ შორის ადმინისტრაცია 18; დასუფთავების და ნარჩენების მართვა - 96, ცენტრალური პარკი- 15,

ბიუჯეტის ათვისება 2025 წლის I -II კვარტალში მოხდა შემდეგნაირად:

ხელფასის მუხლში გათვალისწინებული იყო 866729,00 ლარი და ათვისებულია 762157,78 ლარი, ასევე 2025 წელს სოციალური დახმარების მუხლში (ბიულეტენის სახით) გათვალისწინებული იყო 13000,00 ლარი და ათვისებულია 11809,73 ლარი.

ოფისის ხარჯების მუხლში გათვალისწინებული იყო 32292,00 ლარი, ათვისებულია 22413,49 ლარი.

კავშირგაბმულობის ხარჯის მუხლში (ადგილობრივი ტელ. ინტერნეტი და ფიჭური კავშირგაბმულობის ხარჯი) გათვალისწინებული იყო 3398,00 ლარი, ათვისებულია 2581,48 ლარი.

კომუნალური ხარჯების მუხლში (ელექტროენერგიისა და წყლის ხარჯი) გათვალისწინებული იყო 3442,00ლარი, ათვისებულია 2381,42 ლარი.

ტრანსპორტის, ტექნიკისა და იარაღის ექსპლოატაციისა და მოვლა-შენახვის ხარჯის მუხლში გათვალისწინებული იყო 612850,,00 ლარი, ათვისებულია 423257,98 ლარი.

სხვა დანარჩენ საქონელსა და მომსახურებაზე გაწეული დანარჩენი ხარჯის მუხლში გათვალისწინებული იყო 4380,00 ლარი, ათვისებულია 1036,00 ლარი.

არაფინანსური აქტივების მუხლში გათვალისწინებული იყო 4000,00 ლარი და ათვისებულია 2895,00 ლარი.